

এসএসসিতে ফেল করেছে ৬ লাখ ৬৬০ শিক্ষার্থী



ছবি-সমকাল

সমকাল প্রতিবেদক

প্রকাশ: ১০ জুলাই ২০২৫ | ১৫:২০



চলতি বছরের এসএসসি ও সমমান পরীক্ষায় ৬ লাখ ৬৬০ জন শিক্ষার্থী ফেল করেছে। এর মধ্যে ৩ লাখ ২৪ হাজার ৭১৬ জন ছাত্র এবং ২ লাখ ৭৫ হাজার ৯৪৪ জন ছাত্রী রয়েছে।

বৃহস্পতিবার দুপুরে ঢাকার মাধ্যমিক ও উচ্চমাধ্যমিক শিক্ষা বোর্ডের সভাকক্ষে আয়োজিত সংবাদ সম্মেলনে এ তথ্য জানিয়েছেন আন্তঃশিক্ষা বোর্ড সমন্বয় কমিটির সভাপতি ও ঢাকা শিক্ষা বোর্ডের চেয়ারম্যান প্রফেসর ড. খন্দকার এহসানুল কবির।

তিনি জানান, ৯টি সাধারণ শিক্ষা বোর্ড, মাদ্রাসা শিক্ষা বোর্ড এবং কারিগরি শিক্ষা বোর্ড মিলিয়ে এবার মোট ৬ লাখ ৬৬০ জন পরীক্ষার্থী পাস করতে পারেনি।

এ বছরের প্রাপ্ত ফলাফল অনুযায়ী, মোট পাস করেছে ১৩ লাখ ৩ হাজার ৪২৬ জন। আর পরীক্ষায় অংশগ্রহণ করেছিল ১৯ লাখ ৪ হাজার ৮৬ জন।